



Broj: 13-03/1-04-50075-9.1/23
Sarajevo, 27.12.2023. godine

SKUPŠTINA KANTONA SARAJEVO

Služba za skupštinske poslove

- O v d j e -

KANTON SARAJEVO

Stručna služba Vlade

- O v d j e -

Zastupnica Vedrana Vujović je na 12. Radnoj sjednici Skupštine Kantona Sarajevo, održanoj dana, 24.11.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavila slijedeće zastupničko pitanje:

“U kojoj je fazi projekat izrade Socijalne karte u Kantonu Sarajevo? Uz odgovor na ovo pitanje tražim detaljan izvještaj o projektu, metodologiji prilikom izrade, učesnicima/ekspertima i dosadašnjim troškovima, te u konačnici kada bi socijalna karta trebala biti gotova i prezentovana javnosti.”

ODGOVOR:

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljeno je gore navedeno pitanje zastupnice Vedrane Vujović, a koje je sa pažnjom razmotreno u okviru ovoga ministarstva i na koje dajemo slijedeći odgovor:

Aktivnosti na realizaciji socijalne karte u Kantonu Sarajevo su započete imenovanjem Tima za izradu Metodologije za izradu socijalne karte u Kantonu Sarajevo rješenjem broj 02-05-23512-29/18 od 31.05.2018. godine. Tim je imenovan u sastavu: Amela Dautbegović predsjednica Tima, dr. Žarko Papić zamjenik predsjednice, te kao članovi: dr.sci. Mirnes Telalović, Azra Mulaomerović, Mirsada Poturković, Smaragda Lučkin i Vedrana Duraković, kao predstavnica OSCE. Zadaci Tima bili su: izrada metodologije za izradu socijalne karte u Kantonu Sarajeva, definisanje ciljnih grupa stanovništva, izrada anketnog upitnika i Uputstva za popunjavanje anketnog upitnika, edukacija osoba za provođenje anketiranja, pilot anketiranje stanovnika u pojedinim općinama Kantona Sarajevo, obrada podataka i interpretacija podataka, izrada Priručnika za izradu Metodologije za izradu socijalne karte u Kantonu Sarajevo i izrada Izvještaja po okončanim aktivnostima i dostavljanje istog Vladi Kantona Sarajevo. Predmetnim rješenjem o imenovanju Tima je utvrđen 30.11.2018. godine kao rok za izradu Metodologije. Zaključkom broj 02-05-38788-3/18 Vlada Kantona Sarajevo je 06.12.2018. godine primila na znanje Izvještaj o radu

Tima za izradu Metodologije za izradu socijalne karte u Kantonu Sarajevo i Metodologiju izrade socijalne karte u Kantonu Sarajevo.

Aktivnosti Ministarstva su u 2019. godini nastavljene na način da je Vlada Kantona Sarajevo rješenjem broj 02-05-22216-19/19 od 30.05.2019. godine imenovala stručni Tim za provedbu Projekta "Socijalna mapa Kantona Sarajevo". Tim je imenovan u sastavu: Malik Garibija, predsjednik, dr. Žarko Papić, zamjenik predsjednika, te kao članovi: prof.dr. Suada Buljubašić, dr.sci. Mirnes Telalović, Fahrudin Memić, Smaragda Lučkin, Mirsada Poturković, Fikret Zuko, Inela Hadžimešić, kao predstavnica OSCE, Irfan Eminović, te Dino Nikšić kao operativni koordinator. Zadaci Tima bili su: izrada izmjena i dopuna Metodologije izrade socijalne karte u Kantonu Sarajevo, definisanje ciljnih grupa stanovništva koji će biti predmet istraživanja, izrada uzoraka za pilot istraživanje i glavno istraživanje, izrada upitnika za pilot istraživanje i glavno istraživanje, izrada uputstava za popunjavanje upitnika za pilot i glavno istraživanje, odabir i edukacija osoba za provođenje pilot i glavnog istraživanja, stručni nadzor nad provođenjem pilot istraživanja i glavnog istraživanja, obrada, analiza i interpretacija sakupljenih podataka, izrada Priručnika za izradu Metodologije za primjenu Socijalne mape Kantona Sarajevo i izrada Izvještaja po okončanim aktivnostima i dostavljanje istog Vladi Kantona Sarajevo. Predmetnim rješenjem o imenovanju Tima je utvrđen 30.06.2020. godine kao rok za provedbu Projekta "Socijalna mapa Kantona Sarajevo".

Imajući u vidu da je socijalna mapa po svom karakteru i sadržini, multidisciplinarno statističko istraživanje i u osnovi predstavlja precizno i dokumentovano „snimanje“ svih materijalnih i nematerijalnih vrijednosti kojima u momentu „snimanja“ raspolaze jedno domaćinstvo u svom punom sastavu, te je posebno značajna za razvoj, planiranje i poduzimanje mjera socijalne politike i socijalne zaštite projekat je podijeljen u dvije faze: pilot istraživanje i glavno istraživanje.

Pilot istraživanje se u potpunosti provelo putem elektronske verzije Upitnika, a članovi Tima su radili na stručnoj i tehničkoj realizaciji elektronskog Upitnika. Elektronsko prikupljanje podataka se pokazalo kao racionalno rješenje, korištena aplikacija je vrlo pouzdana, a prikupljeni podaci se nisu morali prekucavati sa papira, jer su odmah bili u elektronskoj formi. Pilot istraživanje su provodili anketari u pet timova po dva anketara koji su na terenu provodili pilot istraživanje. Anketari su bili dužni svakodnevno slati lokacije putem aplikacije ili sliku adrese na kojoj su vršili anketiranje. Pilot istraživanje je realizovano među 300 korisnika prava po osnovu socijalne zaštite i 300 domaćinstava iz generalne populacije (adrese su pseudo-nasumično ili djelimično-nasumično odabrane). Posebno je vođeno računa teritorijalnoj rasporostranjenosti uzorka, te je pilot istraživanje rađeno u svim općinama i svim mjesnim zajednicama Kantona Sarajevo. Pilot istraživanje se provodilo u periodu od mjesec dana i u toku realizacije istog Tim je održavao redovne sastanke, dok su pojedini članovi Tima bili u svakodnevnom kontaktu sa anketarima i koordinirali su realizaciju ovog procesa. Također je izvršena i supervizija pilot istraživanja koju su provodili "nezavisni" anketari na nasumično izabranih 10% od ukupno urađenog uzorka. U toku provođenja pilot istraživanja detektovane su određene poteškoće u realizaciji, a koje će se nastojati prevazići u glavnom istraživanju. Po završenom prikupljanju podataka isti su obrađeni u formatu koji omogućava analizu i interpretaciju. Korišteni uzorak ispitanika nije bio statistički relevantan, a cilj provođenja pilot projekta je bio testiranje upitnika na terenu, te spremnosti građana da učestvuje u ovom istraživanju. Prikupljeni podaci su bili za internu upotrebu, ali su ipak dali neke pokazatelje (visoka stopa siromaštva visoka kod generalne populacije, korisnici jednokratne pomoći u prosjeku imaju primanja kao i generalna populacija, itd). U konačnici je pilot istraživanje ocijenjeno kao



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2/3

uspješno, a Tim je sastavio listu određenih izmjena i dopuna koje su bile planirane da se implementiraju prije glavnog istraživanja.

Glavno istraživanje u Kantonu Sarajevo bilo je planirano kao istraživanje na uzorku od 12.000 domaćinstava, i to 3.000 korisnika prava po osnovu socijalne zaštite i 9.000 domaćinstava iz generalne populacije. Obzirom da se radi o velikom uzorku, te da istraživanje ovog obima izuzetno zahtjevno, značajno je istaći činjenicu da projekat ovih razmjera nije proveden u našem okruženju. Što se tiče termina za realizaciju glavnog istraživanja, zbog činjenice da je planirano da istraživanjem bude obuhvaćen značajan uzorak od 12.000 domaćinstava, istraživanje je bilo planirano da se realizuje na terenu u periodu relativnog mirovanja stanovništva u 2020. godini. Nakon glavnog istraživanja bila je planirana je izrada i objava publikacije sa podacima koji se mogu plasirati u javnosti i web stranica sa mapom Kantona i statističkim podacima, a partner u Projektu "RegioKontext" je prethodno izradio primjere grafičkog prikaza podataka na osnovu podataka iz pilot istraživanja. Nažalost, zbog pandemije SARS-CoV-2 navedeno nije realizirano.

Što se tiče finansijskog aspekta, u 2018. godini za Tim za izradu Metodologije za izradu socijalne karte u Kantonu Sarajevo, iz Budžeta Kantona Sarajevo sa pozicije Ministarstva izdvojena su sredstva u iznosu od 8.975,17KM. U 2019. godini za rad Tima za provedbu Projekta "Socijalna mapa Kantona Sarajevo" iz Budžeta Kantona Sarajevo sa pozicije Ministarstva su izdvojena sredstva u neto iznosu 34.000,00, odnosno 40.152,06KM u bruto iznosu, a u 2020. godini sredstva u neto iznosu 21.750,00KM, odnosno 25.685,54KM u bruto iznosu. Navedena sredstva su utrošena za honorare vanjskih članova Tima, dok su predstavnici kantonalnih institucija i OSCE-a poslove na provedbi Projekta "Socijalna mapa" obavljali u okviru redovnih poslova i po tom osnovu nisu ostvarivali novčanu naknadu. Na prikupljanju podataka za pilot istraživanje radila je Kompanija "Alermedia" d.o.o. iz Sarajeva koja je angažovana sklapanjem direktnog sporazuma u iznosu 6.000,00KM+PDV.

I u konačnici smatramo značajnim istaći činjenicu da je pandemija SARS-CoV-2 usporila sve započete procese u Kantonu Sarajevo, pa tako i aktivnosti na realizaciji Projekta "Socijalna mapa Kantona Sarajevo". Posebno se to odnosi na odgađanje realizacije terenskog sakupljanja podataka u okviru glavnog istraživanja, i svih aktivnosti koje su vezane za navedeno, a trenutno se u Ministarstvu ne provode nikakve aktivnosti u cilju implementacije projekta "Socijalna mapa u Kantonu Sarajevo".

S poštovanjem,

Pripremila: Smaragda Lučkin, šef Odjeljenja

Kontrolisao: Miralem Dedović, pomoćnik mi

Dostavljeno:

1. Naslovu,
2. a/a.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

3/3

